

輿地廣記卷第十

河北東路

北輔開德府春秋時屬衛國秦置東郡二漢屬東魏二郡晉屬濮陽國頓丘郡隋屬東武陽二郡唐屬澶濮魏三州晉天福中移濮陽於澶州南邦為治所九年升鎮寧軍節度 皇朝大觀元年升開德府崇寧四年建 為北輔今縣

七

中濮陽縣本漢頓丘縣地其濮陽故城在今縣東帝顓頊之墟也謂之帝丘夏后相常居於

輿地廣記

卷十

一

此夏伯昆吾亦都之春秋時衛成公自楚丘徙焉夢康叔曰相奪予享公命祀相秦始皇東徙衛君角而置東郡二漢皆因之晉置濮陽國隋屬東都唐屬濮州晉天德中移縣於澶州南郊為治所有鮒鰓山帝顓頊所葬有瓠子口漢元光中河決瓠子東南注鉅野望觀城縣古觀國嘗叛命為夏所伐左傳所謂夏有觀扈是也漢為畔觀縣屬東郡光武更名衛國以封周後晉屬頓丘郡隋開皇六年更名觀城屬武陽郡唐屬澶州有臨黃縣漢

畔觀縣地也後魏置隋因之屬武陽郡唐
州大曆七年來屬 皇朝雍熙四年
省入觀城有新臺衛宣公作

緊臨河縣漢黎陽縣地屬魏郡隋開皇六年析
黎陽置臨河縣十六年置澶淵縣並屬汲郡
春秋諸侯之大夫會于澶淵此其地也後避
唐高祖諱改澶淵為澶水武德四年於澶水
置澶州正觀七年州廢省澶水入臨河屬魏
州三代來屬

中清豐縣漢頓丘縣地唐大曆七年析頓丘昌

輿地廣記

卷十

二

樂置清豐縣以孝子張豐為名屬澶州本衛
邑在淇水南故詩言送子涉淇至于頓丘二
漢屬東郡晉置頓丘郡後郡廢焉隋屬武陽
郡唐始屬魏州大曆七年於頓丘後置澶州
晉天福四年移濮陽於澶州南郭為治所而
以頓丘為德清軍 皇朝熙寧四年省頓
丘入清豐

中衛南縣本楚丘也衛文公自曹邑徙此始建
城市而營宮室隋開皇十六年置楚丘縣屬
東郡大業初以梁郡有楚丘乃改為衛南唐

屬滑州五代時來屬

畿朝城縣本二漢東武陽縣屬東郡臧洪為東郡太守據此以拒袁紹圍之城陷為紹所殺魏晉屬陽平郡北齊廢之後周復置武陽縣隋屬武陽郡唐屬魏州正觀十七年省永昌元年復置武聖縣開元七年更名朝城晉屬大名府

皇朝崇寧四年來屬

畿南樂縣漢東郡之樂昌也宣帝封王武為樂昌侯後漢省之晉置昌樂縣水經樂昌縣故城東西注引漢書表志以為東郡之屬縣漢

輿地廣記

卷十

三

宣帝封王稚君為侯國此則以樂昌為昌樂矣隋屬武陽郡開皇六年置繁水縣大業初廢昌樂入繁水唐置昌樂廢繁水入焉後唐避諱改為南樂晉屬大名府

皇朝崇寧四年來屬

次府河間府春秋屬晉戰國屬趙秦時屬上谷郡漢屬涿郡後漢為河間國晉因之後魏為河間郡孝文帝置瀛州隋廢郡而州如故大業初州廢置河間郡唐為瀛州

皇朝大觀二年

升河間府瀛海軍節度今縣二

望河間縣本漢州鄉武垣縣地屬涿郡後漢省
州鄉入武垣屬河間國晉因之後分置河間
縣郡徙治此隋開皇初郡廢為瀛州大業初
復置郡省武垣入焉唐為瀛州東城鎮本漢
東州縣屬渤海郡後漢屬河間國晉屬章武
國北齊廢之隋開皇十六年置曰東城屬瀛
州大業初屬河間郡唐屬瀛州
皇朝熙
寧六年省入河間

望樂壽縣本漢樂成縣為河間國治焉後漢及
晉皆因之隋開皇十八年改為廣城屬瀛州

輿地廣記

卷十

四

仁壽初改為樂壽屬河間郡唐屬瀛州後屬
深州景城鎮本漢景成成平縣地屬渤海郡
後漢省景成入成平屬河間國晉因之隋開
皇十八年改為景城屬瀛州大業初屬河間
郡唐屬瀛州
皇朝熙寧六年省入樂壽
上滄州春秋戰國時為齊趙二國之境秦屬鉅
鹿上谷郡漢置渤海郡後漢晉因之宋文帝
置樂陵郡孝武分置渤海郡後魏因之太武
初改渤海為滄水孝文時復舊孝明帝分瀛
冀二州置滄州及浮陽樂陵二郡隋置棣州

後改為滄州尋為渤海郡唐為滄州天寶元年改為景城郡今縣五

望清地縣本漢浮陽縣在浮水之陽高帝置渤海郡治此後漢及晉皆屬焉隋開皇十八年改曰清池屬渤海郡唐屬滄州正觀元年州自胡蘇徙治於此長蘆鎮以水為名本漢叅戶縣地屬渤海郡後省焉隋開皇初置長蘆縣及漳河郡尋廢十六年置景州大業初州廢屬河間郡唐武德四年又置景州正觀元年州廢屬滄州周省入清池饒安鎮本漢千

輿地廣記

卷十

五

童屬縣渤海郡靈帝改曰饒安晉因之後置滄州及浮陽郡隋開皇初郡廢大業初州廢屬渤海郡唐屬滄州 皇朝熙寧五年省

入清池乾符寨本二漢章武縣屬渤海郡晉屬章武縣郡後省焉隋開皇十六年置魯城縣屬瀛州大業初屬河間郡唐正觀元年屬滄州乾符元年生野稻水穀二千餘頃燕魏飢民就食之因改名曰乾符周省入清池有徒駭河禹貢九河之一也

望無棣縣本齊地昔周成王賜齊太公履北至

于無棣是也漢為陽縣信地隋開皇六年置
無棣縣屬渤海郡取縣南無棣溝為名唐屬
滄州正觀元年省入陽信八年復置無棣溝
通坂後屬河東郡二漢及晉因之後魏後周
皆為郡焉隋開皇初郡廢十六年析置河東
縣大業初復置郡省蒲坂入焉唐初為蒲州
後為河中府

次畿臨晉縣本桑泉左傳僖二十四年晉公子
重耳濟河入桑泉是也漢為解縣地隋開皇
十六年析猗氏置桑泉縣屬河東郡唐屬河

輿地廣記

卷十

六

中府天寶十三年改為臨晉解本春秋時解
梁二漢及晉屬河東郡後徙焉故城在今縣
東南

次畿猗氏縣本令狐左傳僖二十四年晉公子
重耳濟河圍令狐是也縣南對居澤即猗頓
之故居頓魯之窮士聞朱公富往問術焉子
欲速富當畜五牝於是乃適西河大畜牛羊
十年之間其畜不可計貲擬王公故遂以猗
氏名縣漢屬河東郡後漢晉皆因之西魏改
曰梁泉後周復故隋屬河東郡唐屬河中府

有郇城周文王子所封詩所謂郇伯勞之者是也

次畿虞鄉縣本漢解縣地元魏分置虞縣鄉隋因之唐武德元年改虞鄉為解縣而於解西五十里別置虞鄉縣屬蒲州後屬河中府

次畿萬泉縣唐武德三年析稷山安邑猗氏汾陽龍門置屬絳州大順二年來屬

次畿龍門縣古耿國商祖乙自相徙居之春秋時晉獻公滅耿以賜大夫趙夙戰國時屬魏為皮氏縣秦惠王渡河取皮氏二漢屬河東

輿地廣記

卷十

七

郡魏晉屬平陽郡後魏改為龍門兼置郡隋開皇初郡廢屬河東郡唐武德二年秦州徙治此正觀十七年州廢屬絳州元和初來屬有龍門山禹貢所謂導河積石至于龍門是也

次畿滎河縣本魏之汾陰縣秦惠王渡河取汾陰即此漢屬河東郡武帝立后土祠於汾陰睢上親望拜如上帝禮後漢亦屬河東郡晉省之後魏復置兼置汾陰郡隋開皇初郡廢屬河東郡唐武德元年改曰秦州正觀十七

年州廢來屬開元十年明皇祀后土獲寶鼎
因改為寶鼎縣 皇朝大中祥符四年改
寶鼎縣曰滎河置慶成軍熙寧元年廢軍以
滎河來屬

永樂縣古魏國詩序所謂魏地狹隘者也春秋
時晉獻公滅魏以賜大夫畢萬漢為 北縣
屬河東郡魏晉皆因之後縣東徙焉唐武德
元年分芮城置永樂縣以永樂澗為名屬芮
州：廢屬鼎州正觀八年來屬後又屬魏州
神龍元年復來屬禹貢雷首山在北山南曰

輿地廣記

卷十

首陽伯夷叔齊隱居其下

大都督府陝州昔周召分陝之所春秋魏國之
地所謂北魏也戰國屬韓秦屬三川郡二漢及
晉皆屬弘農郡後魏置弘農郡兼置陝州隋開
皇初郡廢大業初州廢屬河南郡義寧元年置
弘農郡唐武德元年曰陝州天寶元年更曰陝
郡天祐元年昭宗居陝升為興唐府哀帝初復
故號曰保義軍 皇朝太平興國元年改保

軍今縣八

上陝縣古魏國所謂上陽也故城在今縣東漢

屬弘農郡後漢及晉皆因之後魏置陝州及
弘農郡後周因之隋屬河南郡唐復為陝州
有焦國周武王封炎帝之後於此有萃原魯
公三十二年有神降於萃即此石壕鎮本嶠
縣後魏置唐武德八年來屬正觀十四年改
為硤石縣姚崇其邑人也 皇朝熙寧六
年省為鎮有禹貢底柱山、有三門河所經
唐太宗勒銘於此莊

上平陸縣本虞虢之地吳山在西上有虞城舜
始封於此至周武王時封太王子仲雍之後

輿地廣記

卷十

九

是為虞公春秋時晉所滅虢下陽邑在東北
漢為太陽縣屬河東郡後漢及晉皆因之後
廢焉而置河北縣及河北郡隋開皇初郡廢
屬蒲州唐正觀元年來屬天寶元年太守李
齊物開三門以利運漕得古刃有篆文曰平
陸因更名有傳巖在北即傳說築處有茅津
在西南對陝城魯文公秦伯伐晉、人不出
遂自茅津濟即此

上夏縣本夏禹之都漢為安邑縣地後置夏縣
及安邑郡隋開皇初郡廢屬虞州唐正觀十

七年屬絳州乾元三年來屬有巫咸山蓋神
巫所遊故山得其名

上靈寶縣古函谷關秦人恃之以為險固漢武
帝徙關於新安而以故關置弘農郡及弘農
縣東漢晉因之元魏置弘農郡隋開皇十六
年置桃林縣屬洛州唐武德元年來屬天寶
元年得天寶靈符於古函谷關因改元兼改
縣靈寶關在縣西南十里老子西遊入關
令尹喜先見其氣知真人當過物色而得之
曰子將隱矣強為我著書孟嘗君自秦逃歸

輿地廣記

卷十

十

夜半至關其客效鷄鳴遂得出關戰國時九
國叩關而攻秦：人開關延敵九國之師遂
巡而不敢進曹陽亭在縣東十三里秦章邯
敗陳涉將周文於此漢獻帝歸至此為李催
郭汜所逼遂露次為曹公改為好陽縣西南
境即古桃林之野東北有桑田亭春秋虢公
敗戎于桑田即此

中下芮城縣本魏國地魯桓公時芮伯萬為母
姜氏所逐自今馮翊縣界出居於魏即此地
也漢為河北縣地後周改曰芮城置永樂郡

郡後廢焉隋屬河東郡唐武德二年置芮州
正觀元年州廢來屬

中下湖城縣本曰湖黃帝採首山之銅鑄鼎於
荆山下鼎既成有龍垂胡顛下迎黃帝後世
因名其處曰鼎湖漢武帝改曰湖屬京兆尹
戾太子敗亡至此自殺後漢屬弘農郡晉因
之

下陽信縣本漢富平縣後改為厭次屬平原郡
後漢永平五年復故晉為樂陵國治焉元魏
屬樂陵郡北齊廢之隋開皇十六年復置屬

輿地廣記

卷十

十一

棣州大業初屬渤海郡唐武德四年屬棣州
八年州廢屬滄州正觀十七年復置屬棣州
皇朝大中祥符八年徙州城厭次縣於陽信
而徙陽信於故厭次焉

上莫州漢為鄭縣屬涿郡後漢屬河間國晉因
之隋屬河間郡唐武德四年屬清州正觀元
年屬瀛州景雲二年置鄭州開元十三年以
鄭鄭文相類更名莫州今縣一

上任丘縣本漢鄭縣地平帝時使中郎將任丘
築城因以為名後置任丘縣隋省之唐武德

五年復屬蒲州景雲元年屬鄭州開元十三年改鄭縣為莫皇朝熙寧六年省莫縣入焉長豐縣本利豐唐開元十年析文安任丘置屬鄭州是年更名長豐皇朝熙寧六年省

中雄州春秋戰國皆屬燕秦屬六合郡唐屬涿易二郡晉時入于契丹周克復置雄州皇朝政和三年為易陽郡今縣二

中歸信縣本漢易縣地屬涿郡後漢屬河間國公孫鄩有幽州童謠曰燕南垂趙北際中央

輿地廣記

卷十

十二

不合大如礪唯此中可避世瓚自為易地當之遂徙鎮焉易京故城在縣南十八里晉亦屬河間國北齊省入鄭縣隋屬河間郡唐武德五年置歸義縣屬幽州正觀元年省之八年復置景雲二年屬漠州是年還屬幽州大曆四年屬涿州晉時入于契丹周顯德六年世宗克瓦橋關置雄治歸義縣皇朝太平興國元年改為歸信有易水
中容城縣漢屬涿郡後漢省之晉復置屬范陽國隋開皇初改為道縣屬上谷郡唐武德五

年置北義州正觀元年州廢以縣屬易州聖
曆二年契丹入寇固守不陷因改名全忠神
龍二年復名道天寶元年改為容城周顯德
六年屬雄州尋廢 皇朝建隆四年復置

中霸州漢屬渤海郡後漢屬廣陽國河間郡晉
屬燕國章武後屬河間燕郡隋屬河間涿郡

唐屬幽州莫州晉時入于契丹周克復之置
霸州 皇朝政和三年為永清郡今領縣

二

上文安縣漢屬渤海郡後漢屬河間國晉屬章

輿地廣記

卷十

十三

武國隋初屬瀛州大業初屬河間郡唐屬瀛
州景雲二年屬莫州周顯德六年屬霸州

皇朝景祐元年省永清入焉永清本漢安次

縣地屬渤海郡唐如意元年析置武隆縣屬

幽州景雲元年曰會昌天寶元年曰永清晉

時入于契丹周世宗克益津関置霸州治永

清縣後省入文安

上大城縣五代時置屬瀛州周顯德六年屬霸

州

上德州春秋戰國皆屬齊秦屬齊郡漢置平原

郡後漢因之晉屬平原國宋屬平原郡後魏後周皆因之隋初置德州後復為平原郡唐為德州天寶元年曰平原郡今縣二

望安德縣漢屬平原郡後漢及晉皆因之後為郡治焉隋開皇初郡廢九年置德州大業初復置平原郡唐為德州天寶末安祿山反河北皆陷獨顏真卿為平原太守帥眾討賊漢高縣屬平原郡後漢及晉皆因之北齊省入故城在縣西北漢重平縣屬渤海郡後漢省之後魏復置北齊省之故城亦在縣西北德

輿地廣記

卷十

十四

平鎮蓋漢平昌縣屬平原郡後漢省之晉為西平昌屬平原縣後魏置東安郡北齊郡廢隋開皇初屬德州大業初屬平原郡唐屬德州後謂之德平疑後唐避諱更名 皇朝 熙寧六年省入安德

緊平原縣齊之西邑韓信夜渡平原襲擊歷下軍即此漢高帝六年置平原郡故城在今縣西南後漢及晉皆因之後郡徙治安德隋屬平原郡唐屬德州漢欽縣屬清河郡後漢及晉因之北齊省入平原故城亦在縣西南

上濱州自唐虞以下地理與涿州同初五代之際置權監務於海傍後置瞻國軍周世宗顯德三年置以其濱海為名割棣州之渤海蒲臺為屬縣而治渤海今領縣二

望渤海縣唐垂拱四年析蒲臺縣次置屬棣州周顯德三年置濱州治此蒲臺本漢鬲縣地屬平原郡臺高八丈方二百步昔秦始皇東遊海上於臺下縈蒲繫馬至今蒲生猶有縈繫之狀隋開皇十六年置蒲臺縣屬渤海郡唐屬淄州景龍元年屬棣州周屬濱州

輿地廣記

卷十

十五

皇朝大中祥符三年省入渤海

緊招安縣 皇朝慶曆六年析渤海縣地置下恩州春秋時屬齊其後屬晉戰國屬趙秦屬鉅鹿郡漢置清河郡後漢為清河國桓帝改曰甘陵魏復故晉因之後魏為清河郡北齊後周皆因之兼置貝州隋初郡廢後廢州而後復置郡廢為貝州天寶元年清河郡 皇朝慶曆八年改恩州令縣三

望清河縣本漢厓縣屬清河郡後漢安帝以孝德皇后葬於厓改曰甘陵為清河國治焉桓

帝時周福其縣人也晉改曰清河縣後曰武成縣置清河郡隋開皇初郡廢改武成縣為清河大業初復置清河郡屬貝州故清陽縣漢為清河郡治後漢省之徙治甘陵後復置曰清河縣北齊省貝丘入焉改為貝丘隋開皇六年復名清陽屬清河郡唐屬貝州皇朝熙寧四年省入清河望武城縣在趙時曰東武城平原君勝封於此邑漢屬清河郡後漢及晉皆因之隋為武城屬清河郡唐屬貝州

緊歷亭縣漢東陽縣地隋分武城郟置歷亭縣屬清河郡唐屬貝州漳南鎮本漢東陽縣屬清河郡後漢省之隋分棗強清平復置於古東陽城改為漳南縣屬清河郡唐屬貝州皇朝至和元年省入歷亭

清州自唐虞以下地理與滄州同五代時置乾寧軍後入契丹周顯德六年世宗北伐取乾寧軍御龍舟樓舡戰艦首尾數十里至益津關後廢焉皇朝太平興國七年以滄州永安縣復置大觀二年河清七晝夜因改為

清州政和三年為乾寧郡今縣一
乾寧縣本永安縣之范橋鎮 皇朝太平興
國七年置熙寧六年省為鎮後復置縣崇寧
三年又省之

同下州永靜軍自唐虞以下地理與滄德冀州
同唐置景州周降為定遠軍屬滄州 皇朝

太平興國六年以軍直隸京師景德元年改為
永靜今縣二

緊東光縣二漢屬渤海郡隋開皇初郡廢九年
置觀州大業初州廢屬平原郡唐屬滄州正

輿地廣記

卷十

十七

元三年屬景州周顯德元年為定遠軍治所
弓高鎮本漢縣屬河間國後漢因之晉省焉

隋開皇十六年復置屬平原郡唐置景州治
此周顯德二年州廢省弓高入東光

望將陵縣漢重丘縣地隋開皇十六年於重丘
故城置屬平原郡唐屬 州復屬景州周顯

德二年州廢還屬 皇朝慶曆七年屬永
靜軍安陵鎮本漢脩市縣地屬渤海郡晉置

安陵縣隋大業初省入東光唐武德四年復
置屬觀州正觀十七年州廢屬德州景福二

年屬景州周復屬後省入將陵

中阜城縣漢屬渤海郡後漢屬安平國晉屬渤

海郡隋屬信都郡唐屬冀州 皇朝淳化

元年屬永靜軍

同下州信安軍自唐虞以下地理與霸州同五

代時地入契丹周顯德六年世宗北伐取淤口

關置寨屬霸州 皇朝太平興國六年以淤

口寨為破虜軍景德二年改為信安軍

同下州保定軍自唐虞以下地理與雄州同

皇朝太平興國六年以涿州歸信縣新鎮置平

輿地廣記

卷十

十八

戎軍景德元年改為保定軍

輿地廣記卷十終